

Igls meis da fanadour 2020 ò la suprastanza communal tracto tranter oter igls affars suandonts:

- decida d'installar en indrez d'indicaziun electronica da colps aint igl stand da teir a Rona;
- delibero igl credit da fr. 33'100.00 per lascher elaborar en project per la reactivaziun dalla zona umida a Curtegnas antras la Eichenberger Revital SA;
- piglia cunaschientscha tg'igl cantun surdat la lavour da construcziun bassa an connex cun la correcziun dalla Veia Cantunala Mulegnas an vischnanca alla Rizzi SA e delibero igl credit da fr. 72'000.00 incl. TPV per la part digls costs tgi vignan mess a chint agl cumegn;
- approvo la cunvagnientscha tranter igl cantun ed igl cumegn pertutgont las lavours (passape, conducts digl provedimaint d'ava e canalisaziun) tg'igl cantun exequescha an connex cun la correcziun dalla Veia Cantunala tras Mulegnas per incumbensa digl cumegn;
- accepto igl corridor per igl ramplazzamaint digl toc digl conduct da 220-kV da Marmorera a Tinizong tenor proposta dalla Swissgrid;
- fixo la practica per dar a tschains taragn da cumegn, sen igl qual firmas u persungas privatas deponeschan material, vehichels od otras tgossas.
- fixo la practica per examinar igls concepts da protecziun pertutgont igl coronavirus da menaschis e stabilimaints accessibels agl public e la controlla schi chels concepts vignan er observos da moda correcta.
- an connex cun l'elaboraziun digl maletg directiv per igl cumegn da Surses ò la suprastanza communal decida igl suandont:
 - tscharnia la PROJEKT.BOX ScRL cun Felicia Montalta e Patric Collet scu partenaris per l'elaboraziun digl maletg directiv
 - tscharnia igls commembers per la giunta ed igls partenaris per intervistas
 - defino igls camps tematics
 - fixo igl temin per en workshop cun la populaziun ed igls proprietaris d'abitaziuns secundaras sen sonda, igls 31 d'otgover 2020 allas 14.00.

Surdadas da lavours:

- surdo las lavours sanitaras pertutgont igl provedimaint d'ava an connex cun la correcziun dalla veia cantunala tras igls Mulegnas alla Savoldelli SA.

Tinizong, igls 18-08-2020

Suprastanza communal Surses